

17. oktober 2017

**Siunnersuut uunga: Kalaallit napparsimasut danmark-imi katsorsartittarnerannut atatillugu ilaqaataasup/t ineqartinneqartarnerannut atatillugu, katsorsarneqartussa q rigshospital-imi napparsimmavimmiluunniit allami suliarineqassatillugu ilaqaataasup/t unnuiffigisinnaasaannik pilersitsisinnaanera iluaqutissartai aammalu aporfissarisinnaasaasa misissorneqarnissaanik, ilanngullugu pilersitsinerup suut piumasaqaatitariumaagai, soorlu aningaasartuutissat aammalu sulisussanut tunngasut pillugit Naalakkersuisut peqquneqassasut inatsisartut aalajangiiffigisassaattut siunnersuut.**

(Inatsisartunut ilaasortaq, Anthon Frederiksen, Partii Naleraq).

Siumut sinnerlugu Kalaallit napparsimasut Danmark-imi katsorsartittarnerannut atatillugu ilaqaataasup/t ineqartinneqartarnerannut atatillugu, katsorsarneqartussa q rigshospital-imi napparsimmavimmiluunniit allami suliarineqassatillugu ilaqaataasup/t unnuiffigisinnaasaannik pilersitsisinnaanera iluaqutissartai aammalu aporfissarisinnaasaasa misissorneqarnissaanik siunnersuuteqartoq qujaffigaarput.

Apeqqummut uunga assingusut siusinnerusukkut aamma Inatsisartuni ilaasortanit allanit uani qinigaaffimmi saqqummiunneqartareernikuupput, ilaatigut aalajangiinermik peruluttunut ingiallortasut Kalaallit Peqqissaaviani unnuisinnaanermik periarfissiisoqalerneratigut.

Misissuinissami Siumumiit ilanngutillaqqunaqaaq pingaarnersiuinissami assersuutinik ilanngussinissaq, tassani ilaatigut katsorsariaatsit nutaat qanoq aningaasartuutaasinnaaneranun siunnersuut sunnuteqarsinnaanera, taamatut ilaqaataasunut inissianik pilersitsisoqassagaluarpat.

Ungasinngitsumimi radiukkut tusaavarput kræftimik katsorsarneqarsinnaajunnaartut kalerritsissimasoq, Danmarkimi nutaamik katsorsaariaatsimik atuilersimanerisa kingorna Danmarkimi najugaqartuuguni neqeroorfigitissinnaanera. Tamatumalu kingunerisaanik qinertariaqarsimagaa Danmarkimut nuunnissani. Aningaasanik pingaarnersiuinissami assersuusiortoqarnissaanut tamanna ilanngullugu misissorneqarnissaa kissaatiginarpoq.

Maluginiarparput Naalakkersuisut taamatut misissuisoqarnissaanik tapersersuisut, misissuisoqarnissaannik tapersiineq Siumumiit oqaatigissavarput ilaleratsigu.

Martha Lund Olsen  
SIUMUT